

玉山縣志卷二十八

祠廟

古者祀樂祖於瞽宗先師先聖皆釋奠於學故大成殿及崇聖祠以下胥統於學宮以尊學者重道也其他廟壇祠宇之在祀典固皆有司存即凡有功德於民間自為祀者於法亦不廢蓋淫祠必斥而教民美報之義雖貓虎猶祭况百辟卿士乎志祠廟

關帝廟在縣東門乾隆壬子知縣丁公如玉捐廉倡建紳民陳聲錄周耀蘭等勸募督造

文昌帝君廟舊為文昌閣在儒學門左嘉慶辛酉奉文增文昌帝君廟祭品儀而未立殿宇道光癸未秋既移先師廟於采粟門即以其殿宇修而葺之以祀文昌帝君申詳各

玉山縣志

卷二十八

祠廟志

一

憲立案改文昌閣為奎星閣

以上增續志

奎星閣即文昌閣嘉慶戊寅知縣陸公翥鴻倡捐紳士

王允聰董

誠吳源姚日曙詹體儉姚玉輝蕭秉熾劉廷輝徐藩勸募督造

新增

社稷壇在縣治西二里洪武己酉知縣王儀置乙卯知縣雷

起龍改作

以下續志

風雲雷雨神祇壇在縣治東一里洪武己酉知縣王儀置乙

卯知縣雷起龍改作

邑厲壇在縣治北三里洪武乙卯知縣雷起龍修

先農壇在東門外

城隍廟在縣治西舊在縣東北元季兵燬洪武初改建今所

宣德癸丑知縣林岱擴其制康熙間知縣郭斯盛重建後

縣令彭天福余毓浩先後修葺嘉慶己巳知縣陸翥鴻典

史王鳳來捐廉倡首重建廟內東首增建財神廟觀音堂
督理勸捐首士陳聲鉢王允聰洪畹劉廷輝詹體溫葉上聲周允增詹體儉徐藩周耀蘭周耀芳朱潤光陳俊仁徐達章徐文增續志
川鄭潤光

土地祠在縣內師善堂右萬歷庚辰知縣周日甲改建久廢
康熙間知縣唐世徵重立

昭烈廟在縣治後宋汪端明記謂祀唐張汴元倪中記斷以
祀張中丞巡爲是淮陰棄指亭說不足據蓋卽有張汴其
人亦當與雷南二公同侑享於中丞不應代中丞居中而
位二公上二記俱載藝文志

端明祠在城隍廟東祀宋汪應辰明萬歷辛巳改建知縣周
旌忠愍節祠在順城鄉宋張叔夜鄭驤同死靖康之難知州
王自中奏立雙廟

玉山縣志

卷二十八

祠廟志

二

按續志附載祀生四人非志書體例今不錄

三忠合祠卽忠節廟在治西社稷壇右康熙庚戌重建知縣唐後

燬於兵庚子重建知縣葉楠記

沙礫廟玉山未爲縣時號沙礫鎮舊有沙礫廟在欽化坊相傳天

寶十四年距證聖置縣已七十二年是時屬衢安祿山反草寇蠡起里人徐

叔倫糾率鄉人保守里社玉山德之立廟祀焉後經兵燹
市民以是基立爲社廟

曹王廟在治東五里昔人以曹沫能捍禦一方立廟祀之宋
理宗朝賜忠顯曹王廟前有潭亦以曹王名今廟毀碑存
民僧壘石以祀以上前志

時思廟在署後祀姜凱康熙甲寅兵燹乾隆庚戌知縣丁公
如玉諭其後裔捐貲重建增續志

袞忠祠在忠節廟左祀行人贈監察御史詹軾

前志

天后宮一在西關外周師巷康熙初建嘉慶己卯重建一在南門內棗樹巷閩莆公建乾隆己丑陳元華倡修

增續志

鷹武廟在西關外祀唐李德勝河南沈邱人由進士擢員外郎出守信州值歲旱捧勅同劉宗伯就禱石人峯下先後

立化鄉人就地立祠後屢顯靈宋紹興明嘉靖間白旗鷹

揚有誅臘平播功累錫封爵佑護屬邑因立今祠

前志

康忠烈廟在十九都神名保裔七月廿五會祭東嶽

節前志

靈順行祠在溪南其神爲周雄南宋人理宗時著靈異封護

國忠烈周宣靈侯祠址尙存

通志

仰山廟在縣四都奉蕭殷二神遇旱祈雨有驗

以下節前志

東嶽行祠在縣南五都宋紹興癸亥創中正數殿後梳粧樓

玉山縣志

卷二十八

祠廟志

三

樓後內宮殿左寶光宮三官宮文昌祠後有上下二天堂

三清閣右附炳靈宮四瀆宮泰山府君祠祠後閻摩王殿

左設十八地獄右設六道輪迴前有地藏十王殿地獄門

正殿前有飛樓五嶽樓樓前有廊七十二司三十六案中

十字街左百花亭灼化爐右百果亭集福亭又前爲朝陽

樓元泰定乙丑姜驥建左聯飲福亭右聯錫羨亭又外朝

陽門櫺星門門外東西過街亭街右旌忠節廟廟後內宮

王子殿前威顯閣福民亭戲舞亭開山祠賜福樓倉庫附

其前又左天符廟聖母殿降生殿得月亭右羣神聚會祠

門外過街亭東致敬坊西錫福坊再西有肅容亭詹公祠

過祠西數步爲大門過門西數十步至玉溪則最外門在

焉正統癸亥燬明年甲子鳩工漸復天順工未就成化丙

申知縣進士黃熒建嘉寧殿易天堂神會祠梁柱修廊廡
塑神像繪忠孝節義故事天符廟聖母殿降生樓得月亭
朝陽樓悉皆修葺增過道立門墻置水井浴池以便汲濯
改建錫羨聽修造局飲福聽暨神會詹公祠正德間復燬
止存五嶽樓及大門萬歷丙戌知縣張道深修葺百花百
果二亭及正殿肅容亭壬辰知縣錢應斗仍加修葺
國朝丙戌盡燬惟錫福殿娘娘殿天堂數區存

夏太保廟在招善鄉宋建炎初建相傳夏尙書夢龍其仲氏
也唐末登進士第徙居於信兄弟能禦寇既沒鄉人德之
立廟

茅司徒廟在惠安鄉舊志載唐末黃巢作亂兵過玉山有茅
司徒柳司空領徒結柵於柳都山拒之民賴以安立祠祀

玉山縣志

卷二十八

祠廟志

四

賢堂廟在玉山鄉宋時韓姓募資創建爲張睢陽行祠

詹氏家祠在城內古水馬驛舊址卽知止書院明嘉靖中知

縣何清詳請給與本嗣建造祀宋鄉賢詹叔善後圯嘉慶

辛未其裔孫詹體儉倡首捐貲合本嗣重建劉子敏記道光癸

未次韶改題曰詹知止先生祠

增前志

八礫龍王廟見山川志嘉慶間王柱重見

以下新增

昭武萬壽宮在城西三里街創自明萬歷乾隆辛卯羅南珍
等捐輸買地擴建嘉慶甲子衆捐重建

建武萬壽宮在縣治西門外王家樣乾隆己酉重建

鷹護殿在縣治西門外橫路巷

萬安殿在縣治西門外三里街社稷壇

神農殿在杏花門外桑棗園道光辛巳衆藥業捐貲建

旌德公所在治西中關萬安殿左嘉慶戊寅旌德縣人買地
建造安奉東平神像卽張巡

西山廟在一都楊宅明嘉靖辛亥建有西山殿康熙甲寅殿
廢遺萬歷十六年古鐘基址猶存嘉慶丁丑楊錫康等遊
三清巔得神像迎歸建廟並祀許眞君

龍華殿在三都創自前明爲一方鎮又建文昌閣像帝君立
社春秋祀之

詹公廟在五都百花亭側相傳唐末人值黃巢亂土寇蠡起
憤鬪不勝遁迹東嶽興復殿宇旣卒里人立廟祀焉水旱
厲疫輒靈異

萬安殿在十都下鎮墟嘉慶庚午遷建鎮西詹仲舉田內
官亭福主祠在十五都太平橋康熙庚子建先是十四十五

玉山縣志

卷二十八

祠廟志

五

十六三都地當冠蓋要衝上司往來按戶科派居民受累
李公燦元力除舊規勒碑永革民德之故立祠以祀

觀音廟在十七都竹溪泗洲山紹定間廟圯乾隆戊申知縣
李實福重建

馬王廟在十七都舊有許眞君殿明萬歷間本都人民畜驟
爲生通商裕課蕃阜無虞乾隆辛卯槽業衆捐資附建馬

王廟

茶山廟在大街後田嘉慶己未朱潤光倡首重建

太甲廟在二十都太甲山祀商王太甲以伊尹配今廢

轟山廟在二十都舒村乾隆壬午里人因古廟傾圯捐貲重
建新置田五畝有碑誌旱禱必驗

文明堂在二十四都大葉祀白衣大士舊建有社倉今倉廢

靈濟廟在二十五都金沙溪發源處

韓祥記

九龍廟在二十四五都界子午口又名孚惠廟祀張睢陽今廟廢爐礫尙存改建上村社仍九龍舊名

文昌閣在二十五都大舉吳文河文健吳瑛倡捐合族建并置田畝

孚惠廟在二十六都杏花村祀張睢陽

李真君廟在二十六都杏花街祀李得勝

關帝廟在二十八都童家坊康熙乙酉童其進倡捐創建乾隆乙亥重修嘉慶甲戌水漲神像漂流童大鏞獨力捐貲雕塑

長春祠在二十八都童家坊古有石龕奉觀音大士祀神名賢王香及保產夫人旱禱卽雨歲值瘟疫及婦人難產者

玉山縣志

卷二十八

祠廟志

六

祈之皆愈嘉慶丙寅童大鏞捐田廓基同衆捐輸重建祠宇又置田供祀

藥王廟在長春祠右道光辛巳童大鏞捐基復同衆捐貲建宇

祝府君祠在三十都雙溪口祠迭興廢乾隆辛巳建易名晉興廟據記相傳府君爲晉咸和人故改今名前寢祀漢關帝許旌陽唐張巡後寢葉士標獨建仍祀祝府君卽葉璨記所謂饗其利而報之之義道光辛巳葉氏重修

普安廟在三十一都靈江湖康熙壬子建祀許旌陽乾隆甲辰重修

金龍廟在三十一都湖城橋萬歷癸酉建祀唐張睢陽廟側有古樟數十圍莫稽年代

葛溪張睢陽廟在三十二都鎮關橋左因萬歷間昭明殿舊址建祀唐張巡軋隆辛卯橋成神降乩題橋曰鎮關蓋猶保障江淮志也明年壬辰亢旱迎神出巡田野雨立沛里人復爲廟置產祀之

祝姓捐基地二畝五分
吳姓捐基地一畝一釐

桑田廟在三十七都每年八月十二合卺六七八都迎奉之神畢萃於此士女雲集時會市多山楂俗呼茅楂會

康王廟在四十都七里街塘坑乾隆己丑陳元華倡建并捐田六畝

龍王廟在四十都七里街上市頭嘉慶戊辰合都重建

北樓廟在縣治南大街之右原係東嶽北樓神以救孫令顯跡移祀於此仍名北樓其神司五行爲五聖聞塑像奉祀卽墮壞惟畫像以祀雖經水火劫獨存亦靈異也

前志

玉山縣志

卷二十八

祠廟志

七

善濟王廟在縣治南二里考東嶽行祠碑記稱東嶽舊在縣之西南與孚惠行祠相比近豈善濟王廟卽孚惠行祠之地乎

全上

按東嶽在駐蹕臨安權宜爲之非恒典也紹興中宮殿之多規模之侈遠過泰岱幾忘中原秩祀矣南渡君臣無志恢復過行祠者不勝興亡之感元明間屢燬屢建獨何心哉